

SETANEOEI

No. 314 Ju. 1913.

Migmaoi Solnaltjiti

RIMOUSKI, P. Q.

LE MESSAGER MICMAC

Petit Journal Mensuel publié par le R. P. Pacifique, Missionnaire, à Sainte Anne de Ristigouche, P. Q. Parait le 1er du mois. Abonnement, 50 sous Europe 3 frs. Prendre un ou plusieurs abonnements en faveur des sauvages pauvres.



THE MICMAC MESSENGER

A Monthly Newspaper for the Indians. Yearly Subscription 50 cts. Address all communications to the Micmac Messenger, Ristigouche, P. Q. Write for free Sample Copies to the Manager S. Vachon, Rimouski, P. Q.

INDIAN OF KUPER ISLAND.

(Vancouver Catholic).

Getjigao gotjino gtjipathias McDonald tan oetjalos naligtgonietjg ogteli gtjipathiasooin galgoasieneg emitogoalapeni onitjan lno natel tan tetli espi ginamogsilitj, maoui oli gisgattgesepeneel aogtil, oentjigoôm, alasotmogoôm ag sgol; tetli pisgoateg notoaseni mitjoatjitj teli oleoistolitj, getapegiatilitj ag matjitalitj, tôgo negem gelolapeni ag tjel oitemoapeni Migma lno negem teli nenoapeni ometgig, teloes, pagalamotjig nagela teli oli alasotmeoinoltipenig negaoo. Tôgo thlisip elp gtjipathias oelintjij mitjoatjitj, elitji :

Notjinen, ninen lôg oelitasoltieg emitogoalieg ag moioatemoleg gtjialasotmagan. minoi sigentatimgeoei pegisitoieg. Gtjinisgam ignemoinametj negao noli ogsôtemenen tan telgig pegoatoieg ogoisonemigtog, teli gsi oles netelotinen istege nagela oitjigetieg tani eitemoieg segeoneg tleg lnog oelmetotitjig teli oli alasotmeoinoltitjig gemetgig. Telsetemaieg; gis sist gasgemtelnaganipongeg teli melgi alasotmeoinoltipenig tjel menag oen gesgato tan teli sigentasis. Maoui gelolg na, notjinen; pagalastemeg ag emtôgoalgetjig malael lôg gsalatesnen oitjigetieg; me aptj atignatesnen matjoloatememen tan teli mosgatoinametjig, tlôltitesnen elp ninen menaga sigentasoing ag oli smagenisg Gisolg oig, melgi matnatesnen tan getaninamet mento, tanig getoi eloeoalinamet lno, ag tan getoi gsegalinamag eloeoimgeoei. Telgig Gtjinisgam ignemoinametj ag gil notjinen tli apôgônemoin, alasotmelseoieg ag apirsigtoagan ignemoieg tan teloisit Oegoisit ag Eogtjit ag Oetjioli Nisgam.

Na teliagsep; gato gino nige moioatemoanetj ala gtjipathias ag lnog tan teli oli oitolgoig ag ote-

AGNOTEMAGANTJITJEL.

—:O:—

METEPENAGIAG — 18 tes, lapantegôteoimgeoei tepg.— Notemaiieg neogtetjitj tjinem teloisit Sôsep Tanas maoui olitôg nige sioga otjit antemioimgeoeia, megetôg angoôoei meta tjel tes nasiogetj nesotôgelatji gioeso neote olôgtgenemtjitj.

BRICKTON N. S. — pageoimgeoei tepg. 28 tes. — tet pasgitegatieg ag temignatgogatieg gesiga ag siog igag na egoitamtieg me gitjga plamog getangetjig, meta elt môgetj lnim pigoelog plamog ola teoôpsgigeoei sipoa, gato amotj na me nepagatjig tan totjio igatitja, ag nige ansema igatjig : Egian Laptô nesôgegatig nepatel plamol 26 aplilô ag na ansgoes negem nepatel tan siogopa ala eim otiega; ag tjinem teloisit Pilip Pal sagmao King's Co. pegisingep ola teta angoôetjitjeg petji ntoisgetôg, amotj gato etog me natalaotigetig, ag lôg ninen oeltasoltieg nemigetj; gato môgetj gisi nagasioga eimega, lôg nenagitetgeg ogisi elmiena meta lôg getoi natgoitametag otjigenamel tjan Pal, tjinem etlagatg tepao teoôpsgiga, elatgeg ples teloisig ngugeoei sipo Stanlv. Nin A. J.

Mios elsetgog 15 tes. ola tepg. ag Etog gis notemamg nepgig Sag sigisigoisgog genpilg Nastasi Glôt sigosgôg sigôgos 28 tes. 1913.

TAGMEG gtjipogtog — San Palisgoôg nepgepenag 8 tes. meô ag otgotalotag 10 tes. otosel elp lôg eponeg eig, gtegeg oelegig. Ag mitjoatjitjig nige geginamotjig sgoligtog oelmetôg tjinemtjitj geginamoatji.

mitetemoanetj me otatjian tan teli olôltitjig ogsitgamog, tôgo elmiag oasôg tan tetli nenatitesno ag maoui gsaltoltitesno Gisolgoigtog.